

5 Mei 2011

Jaargang 4 – Uitgawe 13

## In hierdie uitgawe

- Voorblad
- Beroepe en standplase
- Predikante en gemeentes
- Ander nuus
- Advertensies
- Agterblad



Teken in op e-Hervormer en ontvang elke uitgawe gratis per e-pos!

- Besoek die webwerf by [www.hervormer.co.za](http://www.hervormer.co.za) en klik op die "Teken in"-opsie; of
- stuur 'n e-pos aan [karen@nhk.co.za](mailto:karen@nhk.co.za)

Nuus, berigte en kort kommentaar (uiters 100 woorde) aan [produksie@nhk.co.za](mailto:produksie@nhk.co.za)

## VOORBLAD

### In Christus se voetspore

**Die Kommissie van die Algemene Kerkvergadering (AKV) het onlangs besin oor 'n tema vir die Hervormde Kerk die volgende drie jaar. Die tema van die afgelope paar jaar was *Saam in diens*, met die kenmerkende voetewassingstoneel uit Johannes 13.**

Daar is oor 'n verskeidenheid temas besin, en uiteindelik is besluit op die tema *In Christus se voetspore*. Hierdie tema grond in verskeie gedeeltes in die Bybel. Daar kan byvoorbeeld gelet word op Markus 8: 27 – 9: 1 en dan veral Jesus se woorde in vers 34: *As iemand agter My aan wil kom, moet hy homself verloën, sy kruis opneem en My volg...* 'n Ander besondere teks waarin hierdie tema grond, is 1 Petrus 2: 21: *Juis hiervoor is julle ook geroep, omdat Christus self vir julle gely en so vir julle 'n voorbeeld gestel het, sodat julle in sy voetspore kan volg.*

Twee voorlopige opmerkings kan oor die twee tekste gemaak word. Die feit dat Christus ter sprake is, lê die klem daarop dat ons nie net as tema het die navolging van die aardse Jesus nie. Dikwels word die geloof skeef getrek tot net die strewe om Jesus na te volg deur Hom so goed moontlik na te boots. Ons tema bely duidelik vir Jesus as die Christus, die gekruisigde en opgestane Here, as die Een wat deur ons nagevolg word. Dit beteken dat nie alleen mense se lewens moet weerspieël dat hulle as Christene leef nie, maar dat daardie lewe voortvloei uit die lyding en kruisdood van Jesus waardeur sondaarmense met God versoen is.

Die tema is duidelik ook 'n oproep tot bekering. Wie in die voetspore van Christus wil volg, moet hulself verloën, hul kruis opneem en met 'n bepaalde gesindheid agter Christus aangaan. Hierdie bekeringsmoment en die gesindheid wat daaruit voortspruit, is van die moeilikste wat van mense gevra word. Elke mens koester sy of haar eie lewe vol drome, ideale, opinies oor die lewe. So dink mense hulle kan hul eie lewens sinvol maak. Christen wees vra van ons iets anders. Dit is om wat vir ons so belangrik is en wat as gevolg van ons sondige en selfgesentreerde lewens tussen ons en God staan, te verloën en op 'n moeiliker pad van kruisdra agter Christus aan te gaan.

Die Hervormde Kerk het dringend bekering nodig. Die besluit wat die AKV oor apartheid geneem het, het die lelikste, onchristelike gesindhede van egoïsme, persoonlike strewes na oorwinnings, verdeeldheid, groeppvorming, liefdeloosheid, wantroue, verguising van mede-Christene en ander optredes tot gevolg wat neerkom op minagting van die voorbeeld van Christus en die wyse waarop Hy nagevolg behoort te word. Dit is 'n teken daarvan dat daar soveel mensgemaakte ideale en drome en verwagtinge tussen ons en God staan, dat daar van selfverloëning nie sprake is nie, wat nog te sê van 'n Christelike lewenswyse van eensgesindheid, liefde, vrede, geduld, vergewing en dies meer.

Die tema *In Christus se voetspore* behoort baie stof tot bestudering van die Bybel, nadenke oor die geloof en wat dit beteken om Christen te wees, studie en preekgeleenthede te bied vir 'n dringende bekeringsmoment die volgende drie jaar in die Hervormde Kerk en 'n daarmee gepaardgaande Christelike lewenswandel. Mag die Heer van die kerk ons daarin genadig wees.

## Skakels

Webblad van die Hervormde Kerk [www.nhk.co.za](http://www.nhk.co.za)  
Die Hervormer [www.hervormer.co.za](http://www.hervormer.co.za)  
e-Hervormer [www.hervormer.co.za/e\\_Hervormer.html](http://www.hervormer.co.za/e_Hervormer.html)  
Indien u nie weer die e-Hervormer wil ontvang nie, klik op [www.hervormer.co.za/cancel.html](http://www.hervormer.co.za/cancel.html)

Dr Daan van Wyk (jr)



# BEROEPE EN STANDPLASE

Kontak die webbladredakteur, prof Ernest van Eck, by [ernest.vaneck@up.ac.za](mailto:ernest.vaneck@up.ac.za) om vakante standplase op die Kerk se amptelike webblad by [www.nhk.co.za](http://www.nhk.co.za) te plaas. Onthou asseblief dat 'n standplaas eers vakant verklaar moet wees voordat dit geadverteer mag word. Kontak dr Fanie Pretorius by 012 322 8885 x256 in dié verband.

## Beroep ontvang

- **Dr Daan van Wyk (jr)** van Wolmaransstad na Ebenhaézer (Ellisras)

## Beroep bedank

- **Ds Thinus van Staden** van Montana na Verwoerdburg
- **Ds Johann Mouton** van Ventersdorp na Sasolburg-Suid
- **Ds Martin Jansen van Rensburg** van Phalaborwa na Vryburg

# PREDIKANTE EN GEMEENTES

- **Mev Marie Wagenaar**, vrou van emerituspredikant ds Johan Wagenaar, het onlangs 'n knieervangingsoperasie ondergaan. Sy herstel goed en ons wens haar sterkte toe.
- **Die volgende predikante verjaar tot 13 Mei**, en word hartlik geluk gewens.
  - Donderdag 5 Mei: Di Johan Bester (Meyerton), Frik Engelbrecht (emeritus), drr Hein Delport (Krugersdorp) en Ernest Marran (Losberg)
  - Vrydag 6 Mei: Ds Cobus Manders (Suidoos-Witbank)
  - Saterdag 7 Mei: Ds Peet Botha (Witbank-Suid)
  - Maandag 9 Mei: Ds Leon Geel (Grimbeekpark) en dr André Groenewald (buiteland)
  - Dinsdag 10 Mei: Di Frans Ras (Pietermaritzburg), Fanie Swanepoel (emeritus) en Gert van der Merwe (beroepafwagend)
  - Woensdag 11 Mei: Ds Guillaume Rocher (Nigel) en dr Christo van der Merwe (Kempton Park-Oos)
  - Donderdag 12 Mei: Ds Buks van Heerden (Harrismith)
  - Vrydag 13 Mei: Di Hennie Pretorius (Dora Theo Kimberley), Ockie van Schalkwyk (beroepafwagend), drr Gerhard Lindeque (Midstream), Koos Prinsloo (emeritus) en prof Ernest van Eck (UP)
- **Ds Peet Kruger** vier sy 50ste jaar in die bediening op Sondag 8 Mei om 10:30 in die kerkgebou van Gemeente Sasolburg, waar hy tans lidmaat is. Dr Frikkie Labuschagne, predikant van Sasolburg, sal namens die Kommissie van die AKV gelukwense oordra. Ds Kruger het tydens sy bediening as predikant die gemeentes Springs-Oos, Villieria, Sasolburg, Parkrand/Witfield, Standerton en Sasolburg bedien.
- Die volgende predikante vier hul **25ste jaar in die bediening** die komende twee Sondae:
  - **Ds Hennie Nel** van Gemeente Potgietersrus op Sondag 8 Mei om 09:00
  - **Ds Chris le Roux** van Stellenbosch/Worcester op Sondag 8 Mei
  - **Ds Errol Sheppard** van Gemeente Vaalpark op Sondag 15 Mei om 10:30
  - **Dr Gerhard Lindeque** van Gemeente Midstream op Sondag 15 Mei om 08:30
- **Gemeente Horison Roodepoort** ontvang op Sondag 8 Mei hul nuwe predikantspaar, **dr Gerhard en mev Magda Nel**. Die erediens begin om 11:00. Die standplaas was vakant sedert die vertrek van ds David Barnard na Gemeente Magaliesmoot. Dr Nel was sedert 1993 werksaam in Gemeente Hartebeeshoek.
- **Ds Danie Malan**, voorheen beroepafwagend, het die deeltydse beroep na Gemeente Johannesburg aanvaar. Ds Malan, sy vrou Melanie en hul twee seuns word op Sondag 15 Mei deur die gemeente ontvang. Die diens begin om 11:00, en hy word in sy amp bevestig deur ds Johan Wagenaar. Namens die ring van Johannesburg en die Kommissie van die AKV sal groete en gelukwense oorgedra word.
- **Prop Petrus Dreyer** en sy vrou, Willemien, word op Sondag 8 Mei deur Gemeente Barberton ontvang. Prop Dreyer word deur sy vader, dr Wim Dreyer, georden en in sy amp bevestig, waarna hy sy intrepreek sal lewer. Dr Dreyer sal as viseskriba van die Kommissie van die AKV gelukwense aan sy seun en die gemeente oordra. Die gemeente is verheug om na bykans ses maande na die afsterwe van hul vorige leraar, ds Albert Minnaar, weer 'n eie predikantspaar te ontvang. Al die standplase in die ring van Lydenburg is nou weer gevul.



- Op Vrydag 15 April het **ds Kathleen Smith** en die voorsitter van die Algemene Diakensvergadering (ADV), diaken Andries Pretorius, vergader oor die werksaamhede van die **werkgroep vir MIV/vigs**. 'n Naamsverandering vir die werkgroep kan volg. Vanjaar is daar weer 'n opleidingswerkswinkel en twee predikante is reeds tydens die 5de ADV genomineer om dit by te woon. Ds Smith tree op as sameroeper van die werkgroep. Almal wat voorheen by die werkgroep betrokke was of nou betrokke wil raak, moet asseblief hul besonderhede stuur aan ds Kathleen Smith by **kathleen@adept.co.za** of **adv@nhk.co.za**.
- **Ds Marna Naudé** van Gemeente Swartkop se e-posadres het verander. Dit is nou **marna.naude@gmail.com**.
- Na die afstigting van Saffierkus (voorheen die Amanzimtoti-gedeelte van die gemeente) in Februarie 2010 het **Gemeente Durban-Suid** geweet dat dit met 52 belydende lidmate, van wie die meeste al redelik bejaard is, nie maklik sou wees om 'n gemeente aan die gang te hou nie – veral aangesien die kerkgebou en pastorie meer as 40 jaar oud is en baie aandag verg. Die gemeente het daarna toestemming gekry om vanjaar by al die gemeentes van die Kerk aan te klopp om finansiële hulp vir die restaurasie van die kerkgebou. Dit was nie 'n maklike besluit nie, en hulle wil nou baie dankie sê aan diegene wat reeds van hulle laat hoor het. Hulle glo dat daar nog meer sal wees wat hierdie klompie Hervormers op die Bluff in Durban sal ondersteun. Kontak prof Bieks Beukes by **bieks@labas.co.za**.
- Die **Voortgesette Teologiese Toerusting vir Predikante (VTT)** word op **7 en 8 Junie** en **8 en 9 November** aangebied. Die tema is *Toekoms, Kerk en waagmoed*. Die kursus, wat om 09:00 begin, word weer by Gemeente Villieria aangebied en die koste beloop R300 per persoon. Predikante wat die VTT in Junie wil bywoon, moet mev Betsie Brits **voor 23 Mei** per e-pos (**betsie.brits@up.ac.za**) of per faks (012 420 4303) in kennis stel. Die registrasiefooi moet verkieslik vooraf elektronies of per bankdeposito inbetaal word, in die volgende rekening: Kerkgeld vir Kerkwerk; ABSA; rekening nr 020 149 752; kode 63 20 05; verwysing 2013K VTT (gevolg deur die naam van die kursusganger).

Die kursusgangers word genooi om **op 7 Junie om 18:00** 'n funksie by UP by te woon waartydens die **HTS Feesbundel** aan prof Andries van Aarde oorhandig sal word. By die geleentheid sal **Lina Spies** 'n lesing lewer oor haar *digkuns en om soeker te wees*; daarna sal daar 'n vingerete wees. Persone wat die funksie wil bywoon, moet mev Brits so gou moontlik by 012 420 5393 skakel, sodat die gastelys saamgestel kan word.

- **Preekbeurte in Coligny**. Predikante kan by Gemeente Coligny preek en gratis verblyf vir die naweek in 'n toegeruste selfsorgeenheid in 'n veilige kompleks kry. Die verblyf is vir die predikant en sy/haar gesin. Kontak oudl Oelof Vorster by 084 206 9523 of Jan Jordaan by **jsjordan@telkomsa.net**.
- **Preekbeurte in Dullstroom**. Predikante kan by Gemeente Dullstroom preek en gratis verblyf vir die naweek kry. Die verblyf is vir die predikant en sy/haar gade en 'n voorskoolse kind. Vir ander kinders moet self betaal word. Kontak Johanna by **nhkdullstroom@yahoo.com** of 072 116 3353.
- **Gemeente Wonderboompoort** beskik oor **studenteblyplek in Eloffsdal**, Pretoria. Kamers met gesamentlike badkamer teen R900 per persoon wat deel, R1 500 per enkeling. Kamers met en suite-badkamer en stoorkamer teen R1 200 per persoon wat deel, R2 000 per enkeling. Water en ligte en veilige parking is ingesluit. Dit is op 'n busroete, 5 km vanaf Kerkplein, 2 km van die Eugene Marais-hospitaal, naby die universiteite. Kontak Johan by 082 212 2137.

## Spesiale eredienste en feesnaweke

- **Sondag 8 Mei om 09:30: Gemeente Delareyville**  
Dankseggingsdiens na die Genl Delareyfees van 7 Mei  
Kontak Adrie Hattingh by **nhkerk@lantic.net**
- **Vrydag 27 tot Sondag 29 Mei: Gemeente Germiston: Eeufees**  
Kontak ds Johan Ayres by **johanayres@absamail.co.za** vir meer inligting
- **Vrydag 27 tot Sondag 29 Mei: Gemeente Drie Riviere: 50ste verjaardag**  
**Vrydag:** Kuier rondom woonwaens en tente  
**Saterdag:** Basaar  
**Sondag:** Nagmaal  
Kontak ds John Putter by **jdputter@vodamail.co.za** of 016 423 3413  
of mev Santie Rossouw by **nhk3riviere@mwebbiz.co.za** of 016 423 5405

## Toere

- **28 Junie tot 12 Julie: Griekeland (hoofland) en Turkye**  
Geniet 3-dae-bootvaart na Griekse eilande  
Kontak **ds Larry van der Walt** by 082 666 0261 of **larry@newtestament.co.za**



- **25 Julie tot 3 Augustus: Amanzimtoti**  
Gemeente Noordwestelike Pretoria se Goue Oues  
R2 400 per persoon (2 etes per dag)  
Beperkte plekke beskikbaar  
Kontak Sarel Benadé by 012 379 8740 of 082 838 0042
- **26 tot 30 September: 2011 Konteks-toer na Laeveld**  
Onder leiding van **dr Hennie van Deventer**  
Skakel dr Van Deventer (toerleier) by 082 786 8448  
of Marius Wiese (toergids) by 082 374 2995

## Konserte

- **Vrydag 3 en Saterdag 4 Junie: Gemeente Van der Hoff (Groblersdal)**  
*Die vallei het talent*  
Vrydagaand uitdunne en Saterdagoggend finaal  
Kerkterrein, Voortrekkerweg, Groblersdal  
Toegang gratis – genoeg te eet en drink!  
Kontak Kobus Ehlers by 082 692 9809
- **Vrydag 16 September: Gemeente Klerksdorp-Wilkoppies**  
Kurt Darren  
Vanaf 19:00 by die rugbyveld van Wesvalia-skool  
Eerste 250 kaartjies naby verhoog R100 elk; res R80 elk  
Kaartjies by Maranata-grasdakke, Vleistraat 50  
Kontak 018 468 3769 of 083 449 9907, of George Foley by 083 750 0699

## Sportbyeenkomste

- **Saterdag 28 Mei: Gemeente Derdepoort: Gholfdag**  
Mooipoort  
*American Scramble* 4 x 2-bal  
Spelers en borge welkom  
Kry meer inligting by [mej@mweb.co.za](mailto:mej@mweb.co.za)

## Ander kompetisies en fondsinsamelings

- **Gemeente Philadelphia: Resepteboek: Philadelphia-Feestafel**  
R150 per eksemplaar  
56 bydraers se 415 uithalerresepte  
Ook afdeling oor Bybelse etes en feeste  
Bestel van Louise Geyser by 012 361 0579, 082 560 4279  
of [louise.geyser@absamail.co.za](mailto:louise.geyser@absamail.co.za)
- **Gemeente Alberton-Wes: Bome te koop**  
Koorsbome, soetdoringbome en vaderlandswilgers teen R100 per boom  
Reeds ongeveer 2-3 meter hoog  
Kontak ds William Harmse by 082 493 6715
- **Gemeente Bergsig: Wen naweek by Mount Amanzi Game Lodge**  
Vraag: *Hoe ver vanaf Naboomspruit is die Lodge geleë?*  
Mount Amanzi Game Lodge is 22 km wes van Naboomspruit  
en 175 km noord van Pretoria  
Daar is 15 selfbediening-chalets, 'n trouvenue, swembaddens, ens  
R20 per inskrywing  
**Sluitingsdatum 11 Junie**  
Kontak Marie by 082 402 4170
- **Gemeente Roedtan: Roedtan Buffeljagkompetisie**  
Grootste van sy soort in Suid-Afrika  
**1ste prys:** Vier dae jag op luukse jagplaas vir 10 persone  
1 buffelkoei, 1 blouwildebees, 1 koedoe, 1 blesbok, 2 rooibokkramme,  
1 rooibokkooi (boogjagters welkom)



**2de prys:** Voëljag met akkommodasie vir 10 persone op luukse jagplaas vir 'n naweek

Kaartjie R60, **trekking 31 Julie**

Kontak ds Thys Redlinghuys, 082 416 7724, faks 086 518 9110,

of **jagkompetisie@gmail.com**

Bankbesonderhede: Absa Spaar Takkode 632005,

rekening nommer 924 227 4630

## Basaars en markte

- **Vrydag 6 tot Saterdag 7 Mei: Gemeente Magaliesmoot**  
**Vrydagaand vanaf 18:00:** Potjiekosete  
Volwasse en hoërskoolkinders R60, laerskoolkinders en jonger R30  
11 verskillende soorte potjies met heerlike bykosse  
Verrassing te drinke om die keel warm te maak  
**Saterdag:** Liedjiefeesbasaar  
Gratis gaskunstenaars  
Baie te eet en drink  
Kameelresies, skolerugby, veiling  
Tuisgemaakte boerewors – BESTE in die area  
Kontak Gerda by 012 376 4313, Hannes Botha by 072 992 1910  
of Emmerentia Botha by 083 243 6014
- **Vrydag 6 en Saterdag 7 Mei: Gemeente Rustenburg: Outydse Boerefees**  
**Vrydagaand:** Dans saam met Boeremusiekgilde  
R100 per persoon (sluit ete in)  
**Saterdag:** Kyk wat in ons voorouers se tyd gedoen is  
Koffie brand, rieme brei, mielies maal, seep kook, koei melk, botter afmaak, swepe vleg, ens  
Tuisgebak uit bakoond  
Ry op eietydse donkiekar  
Kontak Cecile le Roux by 083 230 8981 of 084 208 7445
- **Saterdag 7 Mei: Gemeente Delareyville: Genl Delareyfees**  
Goewermentstraat 31, Delareyville  
Met Bobby van Jaarsveld  
Toegang gratis  
Kompetisie R100 per kaartjie  
Wen bul en 10 topverse; of 5 topverse; of bootvaart na Portugese Eilande  
Kontak Ben van der Ryst by 082 372 7035 of Attie Hattingh by 082 770 6862
- **Saterdag 28 Mei: Gemeente Krugersdorp: Familiefees**  
Met Pieter Koen – kaartjies R45  
Verskeie kos- en kunsstalletjies  
Meer as genoeg aktiwiteite vir jong kinders  
Kontak Ella by 083 728 6325 of **nhkkrugersdorp@zonetech.co.za**
- **Saterdag 28 Mei vanaf 08:00: Gemeente Schoemansdal: Bosveldbasaar**  
Hoofkunstenaars Jay van Eden om 11:30 en Steve Hofmeyr om 13:00  
Gratis vertoning, meer as genoeg kos  
Kontak 012 253 0146 (08:00 tot 13:00) of 083 536 1430
- **Saterdag 28 Mei van 08:00 tot 14:00: Gemeente Benoryn: Gemeentefees**  
70ste verjaardag  
Verskeie stalletjies  
Kontak Annette van der Merwe by 011 849 1179
- **Saterdag 4 Junie: Groot Marico Safarikarnaval**  
Geniet 'n dag in Groot Marico  
Hope organies voorbereide vleis teen groothandelpriese  
Baie kos en handwerkstalletjies  
Koop 'n kaartjie vir R100 en wen dalk 'n 1984 Porsche 944  
Geniet van 09:00 tot laat die sang van Riaan Grobler, Ruan de Waal, Chrizaan, Ursula, Marula Boom, Lee Scott, Jomari en Armand Hofmeyr



Toegang gratis  
Kontak ds Willem Sauer by 079 699 1237  
Besook [www.maricosafarikarnaval.co.za](http://www.maricosafarikarnaval.co.za)

- **Saterdag 4 Junie vanaf 09:00: Gemeente Kathu: Kameeldoring-karnaval**  
Met Kurt Darren  
Kompetisie R100 per kaartjie  
Wen 7-voet Venter-waentjie; dubbeldeur yskas-vrieskas-kombinasie;  
patio-gasbraaier; Sony Playstation 3; of potspeltafel  
Kontak Rita Kern by 083 328 4465, Buna Schmulling by 082 463 8367  
of ds Joseph Steyn by 084 502 4829
- **Saterdag 4 Junie: Gemeente Wesmoot: Karnaval**  
By Makro Wonderboom  
Uitstallings van karre, promosies, narre, kunstenaars en springkastele  
Nasionale armdrukkompetisie links en regs (R50 inskrywingsfooi per arm)  
**Wen met R20**  
1ste prys: Koedoe wat jy self kan skiet of laat skiet  
2de prys: Rooibok  
3de prys: Vleispak van R319  
Kontak Marie Swanepoel by 012 379 7898 of 012 379 1955
- **Saterdag 27 Augustus: Gemeente Bronkhorstspuit: Geskenkemark**  
Bespreek 'n stalletjie vir die dag  
Kontak Alta Bester by 082 936 5289

## ANDER NUUS

- Die **Almanak/Bybelse Dagboek van 2011** is nou beskikbaar teen **R50** per eksemplaar – dus halfprys! Bestel van mev Susann van Zyl, 012 322 8885 x291, faks 086 633 4054 of [sentik@nhk.co.za](mailto:sentik@nhk.co.za). Posgeld sal bygevoeg word.
- Die **Ondersteuningsraad** beskik oor **vakatures vir Maatskaplike Werkers** in Witbank, Krugersdorp en Pretoria. Hulle moet by die Raad geregistreer wees. Alle aansoekers moet oor 'n geldige rybewys beskik. Salarispakkette sal afhang van jare ervaring. Kontak Mariaan Steenkamp by [mariaans@nhk.co.za](mailto:mariaans@nhk.co.za) of Charmaine Fourie by [oraadpb@nhk.co.za](mailto:oraadpb@nhk.co.za), 012 322 8885 x313 of 071 684 7796.
- Die **volgende vergaderings** vind tot 13 Mei plaas. Betrokkes moet hulself asseblief vergewis van die korrekte vergadertye en lokale.
  - Saterdag 7 Mei: NHSV Dagbestuur
  - Vrydag 13 Mei: Moderamen; Komitee vir Kerk en Teologie

Die vergadering van die **Raad vir SENTIK** vind nie op Maandag 9 Mei plaas nie, maar wel op **Maandag 16 Mei**.

## ADVERTENSIES

Advertensies waarvan 'n private individu of instansie die begunstigde is, of waarin 'n gemeente uitgebreide inligting oor 'n projek wil bekendstel, kan in die **e-Hervormer** geplaas word, teen **R114 per plasing**. Die teks moet saam met die bewys van betaling gestuur word aan mev Tessa Oppermann, per e-pos na [produksie@nhk.co.za](mailto:produksie@nhk.co.za), of per faks na 086 633 4059 of 012 322 7906. GEEN advertensie sal geplaas word sonder dié bewys nie. Die verskuldigde bedrag moet uitgemaak word aan: Raad van Finansies; ABSA; tjekrekening nommer 020 000 287; takkode 632 005; **verwysing**: u naam + **e-Hervormer Ads**. Kontak mev Oppermann vir meer inligting.

### RIETFONTEIN-OORNAG (PRETORIA)

Selfsorgeenhede

- gerieflik, netjies, stil, selektief
- naby hospitale, hoofweë, sentrums
- mandjie-ontbyt op aanvraag
- bekostigbaar
- veilige parkering

Kontak Adaleen by 083 345 7717



# AGTERBLAD

## Lees in *Konteks* van Mei 2011

- Christus heers oor sonde en dood
- Betekenis van die Hemelvaart vir ons geloof
- Hervormde Studentegemeentes trek saam

## Lees in *Die Hervormer* van Mei 2011

- Hoe maak ons met mense wat soekend is?
- Bewoon, bewerk en bewaar ons die aarde?
- Noodroep uit Japan

## *Almanak/Bybelse Dagboek* 2011

- Nou slegs R50!
- Bestel by [sentik@nhk.co.za](mailto:sentik@nhk.co.za)

Daar is ook 'n volledige weergawe (met foto's) van hierdie nuusbrieff beskikbaar, wat vandeeweek 390 kilogrepe groot is. Vind dié volledige weergawe by [www.hervormer.co.za](http://www.hervormer.co.za), of stuur 'n versoek na [karen@nhk.co.za](mailto:karen@nhk.co.za) om dit weekliks te ontvang.